

Deo opt. max. uni & trino, Virgini Deiparæ, & sancto Lucæ orthodoxorum Medicorum Patrono.

(1676) Aug 1376

Q V Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis 23. Martii.

M. STEPHANO BACHOT, Doctore Medico, Præside.

An Chocolate usus salubris?

HOMINEM brevi calor vitalis perimeret, nisi tam præcipiti exitio Natura παύσει, & πάντα πηρώς ἢ αὐτοπύκναι, unicum alimenti præsidium opponeret. Hinc fit ut quidquid vivit, illud nutrirī oporteat, ad restaurationem triplicis, quæ continenter effluit, substantiæ. Sic eadem non animalibus modò, verum etiam stirpibus, insitas quasdam vires deficientis ac desiderati semper appetentes, ab initio statim dedit, ut quàm diutissimè fieri posset, omnia se ab interitu tutarentur. Aliquot tamen homines ad annum vixisse sine alimento, nec fabulas putes, nec miracula. Porro non una semper eademque manet hominem cibandi ratio, sed sua cuique stat propria & peculiaris alimentia, ut pro diversâ utentium temperie, variæ quòque sint alimentorum differentie. Si multum, & valentis materiæ cibum, qualis sanorum est, ægris suppedites, imminet suffocatio, si benè valenti infimum, paucum & frigidum, vix erit alendo. Inedia quæ ægrotantibus conducit, tam intuta sanis est, ut dum hâc ipsâ vitæ longævitatē emere student, Συναρπνευσµὲν sæpius fatum accelerent. Sic sanis & ægris contrariæ sunt alimentorum vices, quæ ex plantis duntaxat & animalibus deprompta mutuuntur.

UT ex quolibet lignò non fingitur Mercurius, sic nec ex quolibet mixto fit alimentum: Hoc solo dignamur nomine, quod est consociæ vitæ nostræ principiis, aliàs, æquivocè duntaxat alimentum est. Calore & humido vivimus: Utrumque tractu temporis definit ac deficit φύσις & ἀνάσχει, inde ineluctabilis mortis necessitas, quæ prohiberi quidem non potest, retardari verò plurimum. Hoc præstat alimentum simplex, euchymum, Λευκώδον, & οὐ Σπικαρίον παλὺς δίδωται ἢ φύσις; dummodo quantitate non peccet: ab ingestò enim plus æquò, ἐφάδον εἰς ἀπεψίαν, πένον, ἀρρωστία, νοσοῖ, & φύσις τὸ σώματος, tandèque mors ipsâ consequitur. Quantitas autem illa definiri non potest μήδ' ἐαυµὲν, μήδ' ἄλλοις, ut ridiculè voluit nobilis ille Venetus nomine Cornaro, ἀλλὰ τῇ τὸ σώματος ἀσκήσει.

INTER alimenta principem locum obtinet, quod minùs est excrementitium, & plurimùm in se continet pinguis, & oleosæ substantiæ. His præditum dotibus nullum calori nativo negotium faceffit, sed totum ferè abit in subsidium radicalis humidi, quod calor noster naturalis παμφάγος quotidie depascit ac deprædat. Cibus autem ille qui ita analogus est vitæ nostræ principiis, ubique præsto non est: Frustrâ eum quæras inter Chymistarum impostorum vividos latices, olea incombusta, potabile aurum, panaceam, ac similes ejusmodi nugas: non inter dubias illas pollucibiles & lautissimas cænas; nedum inter quælibet gulæ irritamenta, tyrotarichos, tuceta, tomacula, capnistas carnes, pulmenta, pernas, minutalia, trunculos, apexabones, cæterâsque cupedias & scitamenta, quæ gulæ architecti, γράφον δόλοι, & πλύνουσι πονήματα, in blandam hominum perniciem excogitarunt.

UNUS Chocolateæ cibus vel potus vitæ nostræ principiis favet; Ab eo triplicis substantiæ indefinens reparatur effluvium, & caloris vitalis fugax vivacitas suffrænatur: ab eo generantur & multiplicantur spiritus, animæ & corporis vincula. Omnium cùm sit alimentorum Σπικαρίον, cum voluptate sumitur & coquitur, nullo penè superfluo ac reftibili excremento: status in corpore ab imbecillo calore genitos discutit, onustum cibus stomachum levat, quorum coctionem promovet, nullo ventriculi negotio, ut quisque se impunè cum amicis plausculum invitare valeat, si Chocolatea non desit. Dicam compendio, mortis limitem movet in senibus. Sed cave ne in illius delectu, torrèfactione, triturâ, & mixtione hallucinens aut pecces; siquidem ex Cratinò Comicò, οἱ πάντες ἀνδρες ἐσιν, & γυναικες χελιδες.

CHOCOLATA massula quædam est, seu confectio omnium exquisitissima, quam Indis Occidentibus referre debemus acceptam. Si quæ eam ingrediuntur, expendas, nulli secunda. Occurrit primùm cacao, prædictæ confectiois caput & basis, fructus arboris amygdalam inclusam in nuce referens, temperie frigidus siccus, ex quo triturato succus quidam pinguis & oleosus radicali nostro humido affinis exprimitur. Huic succedit Vanilla Chocolateæ anima, arboris Indicæ fructus, balsamum referens, odoris & succi bonitate præcellens, quam si de Chocolateâ detrahas, ver ex anno sustuleris. Ambarum Grisum excipit Vanilla, genus quoddam bituminis, quod mare è suis fontibus & alveis procellarum vi in litus enatat, temperie calidum humidum, cerebro paribusque principibus suo odore recreandis, reficiendis spiritibus, & viribus erigendis aptissimum. Ambaro Moschus jungitur, odoratissima illa & suavissima sanies, regum & magnatum delicia, cordis robur & jucunditas. Cinnamomum additur Moscho, Galeni tempore genus aromaticis rarissimum, ut soli Imp. haberent, & curiosè servarent in scriniis. Ultimo loco Zuccarum, antiquis ignotum, adjicitur, temperie calidum humidum, cujus dotes frequens & multiplex usus satis superque commendat. Solvitur in embammatis, cogitur in orbiculos, digeritur in panes, pinxitur in placentas, tornatur in crustula, fingitur in castella, in aviculas, & in rerum omnium simulacra, coquitur, aspergitur, duratur, incuratur. Ex quibus omnibus unâ & ex arte permixtis exurgit nobilis illa confectio, vel potiùs omnium lauticiarum epitome, vincens Nectar & Ambrosiam, latices epulasque deorum, ut venis Chocolatea dici debeat ἡ δὲ ἵερὰ τροφή, quàm olim Claudii Cæsaris boletus.

Ergo Chocolate usus salubris.



Proponebat Patrisis FRANCISCUS FOUCAULT Genabensis, Baccalaureus Medicus. A. R. S. H. 1684.